

## **Lo loup èt l'aigné**

Lai réjon di pus foue ât aidé lai moiyoue :

Nos lo vlans môtraie tot comptant.

Ïn aigné s'péssaie lai soi dains ïn p'tét reûché bïn çhiaie.

Ïn loup churvînt è djûn, que tieurait âtçhe

Èt peus qu'lo tchietemps aittirait en cés yûes.

« T'és ïn sakeurdie d'toupèt d'troubyaie mon breuvaidge !

Dié cte métchainte bête pieinne de raidge :

- Te srés peûni po ton toupèt.

- Chire, yi répond l'aigné,

È n'vos s'fât pe engraingnie ;

Raivoéties putôt.

I m'pésse lai soi dains ci reûché

Pus d'vinte péssées en aivâ d'vos.

Dînce i n'sairôs troubyaie vôt' breuvaidge.

- T' los troubyes, eurprit cte métchainte bête ;

Èt peus i sais qu'te m'és dépeûtè l'annaie drie.

- C'ment c'qu'i l'airôs fait, i n'étôs piepe encoé â monde !

Eurprit l'aigné ; i tasse encoé mai mère.

- Che ç'n'ât pe toi, aidonc ç'ât ton frère.

- I n'en aî pe !

- Ç'ât de chur quéqu'un dés tîns ;

Poéche que vos n'me ménaidgies diaire,

Vos, vôs boirdgies èt peus vos tchîns.

An m'l'ont dit : è fât qu' i m'vendgeuche. »

Li-d'tchu, â fond dés bôs,

Lo loup l'empoétche èt peus l'maindge

Sains ïn âtre djudgement.